



Hoërskool McLachlan

Posbus 3
Joubertina
6410



042-273-1335
042-273-1210
info@hsmclachlan.co.za
www.hsmclachlan.co.za

NUUSBRIEF 18/09 2020

Geagte Ouers/Voogde

Aangesien dit volgende week 'n kort week is, sal daar geen nuusbrieffe wees nie. Die volgende nuusbrieffe sal op 2 Oktober beskikbaar wees.

1. **Bedankings:**

Graag wil ons vir mnr. Donald Strydom en sy span werkers bedank vir die week se harde werk aan ons skoolterrein. Hulle het gruis ingery en vasgestamp voor die skool en agter die skoolsaal om die oppervlakte gelyk en glad te kry. Baie dankie vir die 2 dae se werk en onkoste aangegaan om hierdie noodsaaklike onderhoud vir ons skool te lewer. Sy positiewe lojaliteit en liefde vir die skool kom 'n ver pad. Hy was hoofseun in 1978. Met sulke positiewe ingesteldhede van oudleerders en ouers kan HS McLachlan net van krag tot krag gaan.

2. **Kleredrag:**

Ouers/voogde moet asseblief toesien dat leerders korrek geklee skool toe kom. Leerders mag al met somersdrag skool toe kom, maar vanaf 2 November is die dra van somersdrag verpligtend. Somers- en wintersdrag mag egter nie gemeng word nie. **GEEN LEERDER WORD TOEGELAAT OM KAALVOET SKOOL TOE TE KOM NIE.** Dankie dat ek op u samewerking kan staatmaak.

3. **Openbare vakansiedag – Donderdag, 24 September en afdag op Vrydag, 25 September:**

Donderdag, 24 September, is 'n openbare vakansiedag. HS McLachlan het goedkeuring vanaf die departement ontvang dat die skool op Vrydag, 25 September, gesluit mag wees, aangesien baie privaatinstansies op 25 September gesluit is. Geniet die langnaweek saam met u kinders.

4. **Toelatings – 2021:**

Let asseblief daarop dat aansoek om toelating vir gr. 2 – 11 op **23 September 2020** sluit. **GEEN** latere aansoeke sal oorweeg word nie. Indien u enige navrae het, skakel gerus mev. Daleen Strydom.

5. **Departementele busvervoer – 2021:**

Die departement bied weer gesubsidieerde vervoer aan vir 2021. Alle leerders van gr. 1-12 kan van hierdie vervoer gebruik maak. Indien jy dalk sou belangstel, kan die kind 'n vorm by mev. Simoné v.d. Mescht gaan afhaal. Die McLachlanbus gaan voort soos normaal.

6. **Trofees:**

Leerders wat trofees by huis het, moet dit asseblief voor 23 Oktober terugbring skool toe.

7. **Sportveld:**

Die sportveld sal van Maandae tot Donderdae 15:00 – 18:00 oop wees om te oefen. **GEEN** spesiale versoeke om naweke te oefen nie. Daar sal geen toerusting uitgekomp word nie, bring jou eie.



8. **Covid-19:**

Prosedure voor skool:

Die skool se hekke word elke oggend om 07:30 oopgesluit en word weer om **07:55** gesluit. Leerders wat na 08:00 by die skool opdaag, moet by die sekretaresse aanmeld.

Die volgende reëls moet asseblief vir almal se veiligheid nagekom word:

- Leerders moet by die hekke wag totdat dit oopgesluit word.
- **Handhaaf asseblief die vereiste 1,5 m sosiale afstand** aan die buitekant van die hekke.
- Leerders moet asseblief nie dorp toe of na vriende se huise toe gaan nadat hulle by die skool afgelaai is nie.
- Die dra van 'n masker (mond en neus bedek) is verpligtend wanneer leerders buite die hekke wag.
- **GEEN LEERDER SAL TOEGELAAT WORD OM DIE SKOOL SONDER 'N MASKER TE BETREE NIE.**
- **LEERDERS WAT MET TAXIS SKOOL TOE VERVOER WORD, MÓÉT HUL MASKER TYDENS DIE RIT DRA.**
- **LEERDERS WAT HUL MASKERS VERGEET HET, KAN 'N WEGGOOIBARE MASKER BY DIE SKOOL TEEN R10 KOOP.**

Hoërskool McLachlan was tot dusver baie gelukkig om nog geen positiewe Covid-19-gevalle by die skool te hê nie, òf dat dit nodig was om die skool te sluit nie.

Ek vra asseblief alle ouers en leerders se samewerking in hierdie verband.

Geen persoon anders as leerders en beamptes (personeel) mag die skoolterrein betree sonder vooraf toestemming van die skoolhoof nie. Ouers moet asseblief die sekretaresse kontak vir 'n afspraak met die skoolhoof en personeel.

Ouers moet asseblief seker maak dat kinders met die regte maskers skool toe kom. Geen leerder sal op die skoolterrein toegelaat word sonder 'n masker nie. Skoolmaskers is teen R15 by Spektrum te koop.

Alle leerders wat van Hoërskool McLachlan en die Departement van Onderwys se busvervoerdien gebruik maak, moet op die bus 'n masker dra.

'n Leerder moet tuis bly indien hy/sy enige van die volgende simptome toon:

- Koors
- Hoes
- Rooi oë
- Asemhalingsprobleme
- Liggaamspyn
- Moegheid of swakheid
- Verlies aan reuk en smaak
- Naarheid
- Braking

Ouers moet die skool dadelik hiervan in kennis stel en 'n kliniek- of doktersertifikaat skool toe stuur.

9. **Grannor Passi-projek:**

Hoërskool McLachlan loods weer in 2020 die Granor Passi-projek. Langkloofprodusente kan vrugte by die sapfabriek onder Hoërskool McLachlan se naam lewer. Die nommer waaronder u dit moet lewer, is **019**. Hierdie is 'n geleentheid vir die boerderygemeenskap om die skool te ondersteun. Ons skool het baie finansiële uitdagings en weet met hierdie projek sal u 'n groot verskil kan maak. Die inkomste van die



projek sal direk deur Granor Passi in McLachlan se rekening inbetaal word.

Ons moedig produsente aan om aan hierdie projek deel te neem en sodoende 'n verskil te maak aan ons kinders se toekoms by Hoërskool McLachlan. Die skool is die hart van die gemeenskap en met u bydrae sal ons sy voortbestaan kan verseker.

10. **WEN 'n KIA-PICANTO (2020)-fondsinsamelingsprojek:**

Inbetaling word by die registeronderwysers gedoen. Die laaste datum van inbetaling is **9 Oktober 2020**.

- ✓ U as ouer is verantwoordelik vir die boekie en indien u dit verloor, sal u aanspreeklik gehou word vir die inbetaling van R500.
- ✓ Leerders wat 'n tweede boekie wil verkoop, kan daarvoor vra na die eerste inbetaling.
- ✓ Die wenner van die Kia-Picanto (2020) word in November aangewys.

S. Pienaar

S. PIENAAR

Waarnemende Skoolhoof: Hoërskool McLachlan

Posbus 3, Joubertina, 6410

Oos-Kaap, Suid Afrika

Tel: +27 (0) 42 273 1335

Fax: +27 (0) 42 273 1210



McLachlan Internet Fasiliteit Borg